



宋法寺

釋道綽撰

安樂集卷下

第四大門中有三番料簡第一依中國三藏法師并

此土大德等皆共詳審聖教歎歸淨土今以勸依第

二據此經宗及餘大乘諸部凡聖修入多明念佛三

昧以為要門第三問答解釋顯念佛者得種種功德

利益不可思議

第一依中國及以此土大德所行者余五鬘面墻豈

寧自輒但以遊歷披勸敬有師策何者謂中國大乘

法師流支三藏次有大德昂避名利則有惠寵法師

次有大德尋常敷演每感聖僧來聽則有道場法師

安樂集卷下 即講敷 即演說

中國指五天竺而言  
此土指唐土所謂振旦也通  
經律論曰之三藏智法即  
又故云法師行滿德喜河  
之大德  
三藏經律論云云一法  
師之承通教也要覽上  
大德要覽上三則奈耶律  
云佛言從今日從小下並  
有句於長高處應嘆  
增運記云行滿德喜曰  
先云止觀立之止三  
攝諸湯覽註一物在  
所見一步不可行書經  
不學一在夏惟煩大  
中國指天竺南亞中央  
亦備大唐云中國余四方  
皆云天竺國非所以周公  
討時見之太唐月中有  
形天竺豈形故止中國  
五天竺見法花玄曰佛中

因見孟梁惠五立車七  
細維者 叔蕪一之三四  
云一孝者維繫細之  
中要莫若細維

神鏡 喻智慧不寐

志即外行即外修  
行通達最無倫匹故云  
珠倫寶貴心天福田無  
此者故

君子 孟子書心上篇註  
一聖人通稱也文 白虎  
通一略云一道德之稱也  
一之為一言者事也一文  
通稱也

次有大德和光孤栖二國慕仰則有曇鸞法師次有  
大德禪觀獨秀則有大海禪師次有大德聰惠守戒  
則有齊朝上統然前六大德並是二諦神鏡斯乃佛  
法細維志行殊倫古今實希皆共詳審大乘歎歸淨  
土乃是無上要門也問曰既云歎皈淨土乃是要門  
者未知此等諸德臨終時皆有靈驗已不答曰皆有  
不虛如曇鸞法師康存之日常修淨土亦每有世俗  
君子來問法師曰十方佛國皆為淨土法師何乃獨  
意注西豈非偏見生也法師對曰吾既凡夫智惠淺  
短未入地位念力須均如似置羣引牛恒須繫心槽

紛紜者初之白

豈得縱放全無取歸雖彼難者紛紜而法師獨決  
是以無問一切道俗但與法師一而相遇者若未生  
正信勸令生信若已生正信者皆勸歸淨國是故法  
師臨命終時寺傍左右道俗皆見幡花映院盡聞異  
香音樂迎接速往生也餘之大德臨命終時皆有徵  
祥若欲具談往生之相並不可思議也

第二明此彼諸經多明念佛三昧為宗者就中有八  
番初二明一相三昧後六就緣依相明念佛三昧第  
一依花首經佛告堅意菩薩三昧有二種一者有一  
相三昧二者有衆相三昧一相三昧者有菩薩聞其

轉法 法苑文句七云轉  
法輪者世間事論則有  
摧破之用佛說法則能  
摧破眾生惡業故名

世界有其如來現在說法菩薩取是佛相以現在前  
若坐道場若轉法輪大眾圍遶如是相取攝諸根  
心不馳散專念一佛不捨是緣如是菩薩於如來相  
及世界相了達無相常如是觀如是行不離是緣是  
時佛像即現在前而為說法菩薩亦時深生恭敬聽  
受是法若深若淺轉加尊重菩薩住是三昧聞說諸  
法皆可壞相聞已受持從三昧起能為四眾演說是  
法佛告堅意是名菩薩入一相三昧門第二依文殊  
般若明一行三昧者時文殊師利白佛言世尊云何  
名為一行三昧佛言一行三昧者若善男子善女人

應在空閑處捨諸亂意隨佛方所端身正向不取相  
貌繫心一佛專稱名字念無休息即是念中能見過  
現未來三世諸佛何以故念一佛功德無量無邊即  
與無量諸佛功德無二是名菩薩一行三昧第三依  
涅槃經佛言若人但能至心常修念佛三昧者十方  
諸佛恒見此人如現在前是故涅槃經云佛告迦葉  
菩薩若有善男子善女人常能至心專念佛者若在  
山林若在聚落若晝若夜若坐若卧諸佛世尊常見  
此人如現目前恒與此人而住受施第四依觀經及  
餘諸部所修万行但能迴顧莫不皆生然念佛一門

將為要路何者審量聖教有始終兩益若欲生善起  
行則普說諸度若滅惡消災則捨治諸難故下經云  
念佛衆生攝取不捨壽盡必生此名始益言終益者  
依觀音授記經云阿彌陀佛住世長久堪載永劫亦  
有滅度報涅槃時唯有觀音勢至住持安樂接引十  
方其佛滅度亦與住世時節等同然彼國衆生一切  
無有覩見佛者唯有一向專念阿彌陀佛往生者常  
見彌陀現在不滅此卽是其終時益也所修餘行廻  
向皆生世尊滅度有覩不覩勸後代審量使活遠益  
也第五依般舟經云時有跋陀和菩薩於此國土聞

有阿彌陀佛數數係念回是念故見阿彌陀佛既見  
佛已卽從啓問當行何法得生彼國尔時阿彌陀佛  
語是菩薩言欲來生我國者常念我名莫有休息如  
是得來生我國土當念佛身三十二相悉皆具足光  
明徹照端正無比第六依大智度論有三番解釋第  
一佛是無上法王菩薩為法臣所尊取重唯佛世尊  
是故應當常念佛也第二有諸菩薩自云我從曠劫  
以來得蒙世尊長類我等法身智身太慈悲身禪定  
智慧無量行願由佛得成爲報恩故常願近佛亦如  
大臣蒙王恩寵常念其主第三有諸菩薩復作是言

我於因地遇惡知識誹謗般若隨於惡道經無量劫  
雖修餘行未能得出後於一時依善知識邊教我行  
念佛三昧其時即能併遣諸障方得解脫有斯大益  
故願不離佛第七依花嚴經云寧於無量劫具受一  
切苦終不遠如來不觀自在力又云念佛三昧必見  
佛命終之後生佛前見彼臨終勸念佛又示尊像令  
瞻敬又善財童子求善知識請功德雲比丘所白言  
大師云何修菩薩道歸普賢行也是時比丘告善財  
曰我於世尊智惠海中唯知一法謂念佛三昧門何  
者於此三昧門中悉能觀見一切諸佛及其眷屬嚴

淨佛刹能令眾生遠離顛倒念佛三昧門者於微細  
境界中見一切佛自在境界得諸劫不顛倒念佛三  
昧門者能起一切佛刹無能壞者普見諸佛得三世  
不顛倒時功德雲比丘告善財言佛法深廣廣大無  
邊我所知者唯得此一念佛三昧門餘妙境界出過  
數量我所未知也第八依海龍王經時海龍王白佛  
言世尊弟子求生阿彌陀佛國當修何行得生彼土  
佛告龍王若欲生彼國者當行八法何等為八一者  
常念諸佛二者供養如來三者咨嗟世尊四者作佛  
形像修諸功德五者迴願往生六者心不怯弱七者

一心精進八者求佛正惠佛告龍王一切衆生具斯  
八法常不離佛也問曰不具八法得生佛前不離佛  
不答曰得生不疑何以得知如佛說寶雲經時亦明  
十行具足得生淨土常不離佛時有除益障菩薩白  
佛不具十行得生已不佛言得生但能十行之中一  
行具足無闕餘之九行悉名清淨勿致疑也又大樹  
緊陀羅王經云菩薩行四種法常不離佛前何等爲  
四一者自修善云兼勸衆生皆作往生見如來意二  
者自勸勸他樂聞正法三者自勸勸他發菩提心四  
者一向專志行念佛三昧具此四行一切生處常在

佛前不離諸佛又經云佛說菩薩行法有三十二器  
何者布施是大富器忍辱是端政器持戒是聖身器  
五逆不孝是刀山劍樹湯器發菩提心是成佛器  
常能念佛往生淨土是見佛器略舉六門餘者不述  
聖教既介行者願生何不常念佛也又依月燈三昧  
經云念佛相好及德行能使諸根不亂動心無迷惑  
與法合得聞得智如大海智者住於是三昧攝念行  
於經行既能見千億諸如來亦值無量恒沙佛  
第三問答解釋顯念佛三昧有種種利益有其五番  
第一問曰今云常修念佛三昧仍不行餘三昧也答

日今言常念亦不言不行餘三昧但行念佛三昧多  
故故言常念非謂全不行餘三昧也第二問曰若勸  
常修念佛三昧與餘三昧能有階降以不答曰念佛  
三昧勝相不可思議此云何知如摩訶行中說云諸  
餘三昧非不三昧何以故或有三昧但能除貪不能  
除瞋疑惑有三昧但能除瞋不能除疑貪惑有三昧  
但能除疑不能除貪瞋惑有三昧但能除現在障不  
能除過去未來一切諸障若能常修念佛三昧無問  
現在過去未來一切諸障悉皆除也第三問曰念佛  
三昧既能除障得福功利大者未審亦能資益行者

觀心法門八云略  
初念阿彌陀佛者而得  
一記下二支疑五三六

使延年益壽以不答曰必得何者如惟無三昧經云  
有兄弟二人兄信因果弟無信心而能善解相法因  
其鏡中自見面上死相已現不過七日時有智者往  
問佛佛時報言七日不盡若能一心念佛修戒或得  
度難尋即依教觀念時至六日即有二鬼來耳聞其  
念佛之聲竟無能前進還告閻羅王閻羅王繫符在  
已注云由持戒念佛功德生第三炎天又辟喻經中  
有一長者不信罪福年已五十忽夜夢見利鬼索符  
來欲取之不過十日其人眠覺惶怖非常至明求覓  
相師占夢師作卦地云有利鬼必欲相害不過十日



其人惶怖倍常請佛求請佛時報云若欲攘此從今  
已去專意念佛持戒燒香燃燈懸繒幡蓋信向三寶  
可勉此死即依此法專心信向刹鬼到門見修功德  
遂不能害鬼即走去其人緣斯功德壽滿百年死得  
生天彼有一長者名曰執持退戒還佛現被惡鬼打  
之第四問曰此念佛三昧但能對治諸障唯招世報  
亦能透感出世無上菩提以不答曰得何者如華嚴  
經十地品云始從初地乃至十地於一一地中皆說  
入地加行道地滿功德利已不住道訖即皆結云是  
諸菩薩雖修餘行皆不離念佛念法念僧上妙樂具

供養三寶以斯文證得知諸菩薩等乃至上地常學  
念佛念法念僧方能成就無量行願滿功德海何況  
二乘凡夫求生淨土不學念佛也何以故此念佛三  
昧即具一切四攝六度通行通伴故第五問曰初地  
已上菩薩與佛同證真如之理名生佛家自能作佛  
濟運眾生何須更學念佛三昧願見佛也答曰論其  
真如廣大無邊與虛空等其量難知譬如一大閻室  
若燃一燈二燈其明雖遍猶為闇也漸至多燈雖名  
大明豈及日光菩薩所證智雖地地相望自有階降  
豈得比佛如日明也

四攝筆削犯五三者而  
施令他附已三者爰銘為  
他施區區中成種三利  
行隨彼所行方便利之  
令善根成輕四同多又  
逐惡同惡而斷彼惡過  
善同善而進彼善  
傳通記云二

第五大門中有四番料簡第一汎明修道延促欲令速獲不退第二此彼禪觀比技勸往第三此彼淨穢二境亦名漏無漏比技第四引聖教證成勸後代生信求往

第一汎明修道延促者就中有二一明修道延促二問答解釋一明延促者但一切衆生莫不厭苦求樂畏縛求解皆欲早證無上菩提者先須發菩提心爲首此心難識難起縱令發得此心依經終須修十種行謂信進念戒定惠捨護法發願迴向進詣菩提然修道之身相續不絕逕一萬劫始證不退位當今凡

夫現名信想輕毛亦曰假名亦名不定聚亦名外凡夫未出火宅何以得知提菩薩瓔珞經具辨入道行位法亦故名難行道又但以一切之中受身生死尚不可數知况一萬劫中徒受痛燒若能明信佛經願生淨土隨壽長短一形即至位階不退與此修道一萬劫齊功諸佛子等何不思量不捨難求易也如俱舍論中亦明難行易行二種之道難行者如論說云於三大阿僧祇劫一切劫中皆具福智資糧六波羅蜜一切諸行一一行業皆有百萬難行之道始死一位是難行道也易行道者即彼論云若由別有方便

有解脫者名易行道也今既勸故極樂一切行業悉  
 迴向彼但能專至壽盡必生彼國即空竟清涼  
 豈可不名易行之道須知此意也二問曰既言願往  
 生淨土隨此壽盡即得往生若有聖教證不答曰有  
 七番皆引經論證成一依大經云佛告阿難其有衆  
 生欲於今世見無量壽佛者應發無上菩提之心修  
 行功德願生彼國即得往生故大經讚云  
 若聞阿彌陀德号  
 下至一念得大利  
 設滿大千世界火  
 歡喜讚仰心歸依  
 則為具足功德寶  
 亦應恒過聞佛名

聞阿彌陀不退

是故至心誓首禮

一依觀經九品之內皆言臨終正念即得往生三依  
 起信論云教諸衆生勸觀真如平等一實亦有始發  
 意菩薩其心軟弱自謂不能常值諸佛親乘供養意  
 欲退者當知如來有勝方便攝護信心謂以專意念  
 佛因緣隨願往生以常見佛故永離惡道四依鼓音  
 陀羅尼經云尔時世尊告諸比丘我當為汝演說西  
 方安樂世界今現有佛号阿彌陀若有四衆能正受  
 持彼佛名号堅固其心憶念不妄十日十夜除捨散  
 亂精勤修習念佛三昧若能令念念不絕十日之中

轉誦 亦通佛名神  
咒三藏微言在心曰  
念衆言曰福齊智  
在兼修齊轉庚  
伯云洗心曰齊丈  
通今記上

必得見彼阿旃陀佛皆得往生五反法鼓經云若人  
臨終之時不能作念但知彼方有佛作往生意亦得  
往生六如十方隨願往生經云若有臨終及死隨地  
獄家內眷屬為其立者念佛及轉誦齊福亡者則出  
地獄往生淨土况其現在自能修念何以不得往生  
者也是故彼經云現在眷屬為亡者追福如餉遠人  
定得食也第七廣引諸經證成如大法鼓經說若善  
男子善女人常能繫意稱念諸佛名号者十方諸佛  
一切賢聖常見此人如現目前是故此經名大法鼓  
當知此人十方淨土隨願往生又大悲經云何名爲

大悲若專念佛相續不斷者隨其命終定生安樂若  
能展轉相勸行念佛者當知此等悉名行大悲人也  
是故涅槃經云佛告大王假令開大庫藏一月之中  
布施一切衆生所得功德不如有人稱佛一口功德  
過前不可校量又增一阿含經云佛告阿難其有衆  
生供養一閻浮提人衣服飲食卧具湯藥所得功德  
寧為多不阿難白佛言世尊甚多甚多不可數量佛  
告阿難若有衆生善心相續稱佛名号如一搯牛乳  
項所德功德過上不可量無有能量者小品經云若  
人散心念佛乃至畢苦其福不盡若人散花念佛乃

至畢苦其福不盡故知念佛利大不可思議也十往  
生經諸大乘經等並有文證不可具引也  
第二次明此彼禪觀比較勸往生者但此方穢境亂  
想難入就令修得唯獲事定多意味淡又復但能伏  
業報生上界壽盡多退是故智度論云多聞持戒禪  
未得無漏法雖有此功德是事未可信若欲向西修  
習事境光淨定觀易成除罪多劫永定速進究竟清  
涼如大經廣說問曰若西方境界勝可為禪定感此  
界色天福不應為禪定招答曰若論修定因說通於  
彼此然彼界位是不退并有他力持是故說為勝此

藥鈔十二上阿直云息  
慮不云依上地况經說  
得定由云然彼如來  
者氣力故云云如定  
極直觀淨境依他力  
故榮得定此何云  
依上地即合今錢言  
故地化何解定四非上  
最定難奈之何年知  
依上在觀淨境時佛  
力加故榮得三昧云  
大部補注四音義  
云雷電者著頌篇云  
霹靂也文  
介雅云疾雷曰定電  
注云雷之急激者  
四倒回鈔一六引涅槃  
經廣月

所雖復修定尅但有自分別關無他力攝業盡不勉  
退就此說不如

第三據此彼淨穢二境亦名漏無漏者若論此處境  
界唯有三塗五坑山澗沙鹵棘剌水旱暴風惡觸雷  
電霹靂虎狼毒獸惡賊惡子荒亂破散三災敗壞語  
論正報三毒八倒憂悲嫉妬多病短命飢渴寒熱常  
為伺命害鬼之所追逐深可穢惡不可具說故名有  
漏深可厭也往生彼國勝者據大經云十方人天但  
生彼國者莫不皆獲種種利益也何者一生彼國者  
行則金蓮捧足坐則寶座乘軀出則帝釋在前入則

梵王從後一切聖衆與我親朋阿於陀佛爲我大師  
寶樹寶林之下任意翻翔八德池中遊神濯足形則  
身同金色壽則命與禰齊學則衆門並進止則二諦  
虛融十方濟運則乘大神通晏安暫時則坐三空門  
遊則入八正之路至則到大涅槃一切衆生但至彼  
國者皆證此益何不思量不速去也

第四引聖教證成勸後代生信求願往者依觀佛三  
昧經云介時會中有十方諸佛各於華臺中結趺坐  
於空中現東方善德如來爲首告大衆言汝等當知  
我念過去無量世時有佛名寶威德上至彼佛出時

亦如今日說三乘法彼佛滅後末世之中有一比丘  
將弟子九人往詣佛塔禮拜佛像見一寶像嚴顯可  
觀觀已敬禮目諦觀之各說一偈用爲讚歎隨喜循  
短各自命終既命終已即生佛前從此已後恒得值  
遇無量諸佛於諸佛所廣修梵行得念佛三昧海既  
得此已諸佛現前即與授記於十方面隨意作佛東  
方善德佛者即我身是自餘九方諸佛者即是本昔  
弟子九人是十方佛世尊因由禮塔一偈讚故得成  
爲佛豈異人乎我等十方佛是是時十方諸佛從空  
而下放千光明顯現色身白豪相光各各皆坐釋迦

佛告阿難言汝知釋迦文佛無數精進百千苦行  
求佛智惠報得是身今為汝說汝持佛語為未來世  
大龍大衆四部弟子說觀佛相好及念佛三昧說是  
語已然後問訊釋迦文佛問訊訖已各還本國  
第六大門中有三番料簡第一十方淨土共來比校  
第二義推第三辨經住滅

第一十方淨土共來比校者有其三番一如隨願往  
生經云十方佛國皆悉嚴淨隨願並得往生雖然悉  
不如西方無量壽國何意如此但阿旃陀佛與觀音  
大勢至先發心時從此界去於此衆生偏是有緣是

故釋迦處處歎歸二攝大經法藏菩薩因中於世饒  
王佛所具發弘願取諸淨土時佛為說二百一十億  
諸佛刹土天人善惡國土精麁悉現與之於時法藏  
菩薩願取西方成佛今現在彼是二證也三依此觀  
經中韋提夫人復請淨土如來光臺為現十方一切  
淨土韋提夫人白佛言此諸佛土雖復清淨皆有光  
明我今樂生極樂世界阿旃陀佛所是其三證故知  
諸淨土中安樂世界最勝也

第二義推者問曰何故要須面向西坐禮念觀者答  
曰以閻浮提云日出處名生沒處名死藉於死地神

明趣入其相助便是故法藏菩薩願成佛在西悲接  
衆生由坐觀禮念等面向佛者是隨此禮儀若是聖  
人得飛報自在不辨方所但凡夫之人身心相隨若  
向餘方西往必難是故智度論云有一比丘康存之  
日誦阿彌陀經及念般若波羅蜜臨命終告弟子言  
阿彌陀佛與諸聖衆今在我前合掌皈依須臾捨命  
於是弟子依火葬法以火焚屍一切燒盡唯有舌根  
一種與本不異遂即收取塔供養龍樹菩薩釋云  
誦阿彌陀經故是以垂終佛自來迎念般若波羅蜜  
故所以舌根不盡以斯文證故知一切行業但能迴

向無不往也故須彌四域經云天地初開之時未有  
日月星辰縱有天人來下但用項光照用尔時人民  
多生苦惱於是阿彌陀佛遣二菩薩一名寶應聲二  
名寶吉祥即伏犧女媧是此二菩薩共相等議向第  
七梵天上取其七寶來至此界造日月星辰二十八  
宿以照天下定其四時春夏秋冬其時二菩薩共相謂  
言所以日月星辰二十八宿西行者一切諸天人民  
盡共替首阿彌陀佛是以日月星辰皆悉傾心向彼  
故西流也

第三辨經住滅者謂釋迦牟尼佛一代正法五百年

不若四教云以土野八  
教判教一垂教又解上  
四一者若此元年為元  
其手編而今則但取作更  
之說而教如未之代



非吹等尸等也  
王馬像神注七十六有八  
引音龍疏云有教有釋  
有証名為一像者  
微也六微每也 要覽  
中三名義共六但有於  
教而各行証名為未  
法

像法一千年末法一万年衆生滅盡諸經悉滅如來  
悲哀痛燒衆生特留此經正住百年以斯文證故知  
彼國雖是淨土然體通上下知相無相當生上位凡  
夫火宅一向乘相往生也

第七大門中有兩番料簡第一門中此彼取相料簡  
縛脫第二次明此彼修道用功輕重而獲報真偽故  
勸向彼

第一此彼取相料簡縛脫者若取西方淨相疾得解  
脫純受極樂智眼開朗若取此方穢相唯有安樂羸  
盲尼縛憂怖問曰依大乘諸經皆云無相乃是出離

累音類四也祭也  
又音雷聲

屬力音切音例嚴  
正也又勉也

要道執相拘礙不脫塵累今勸衆生捨穢祈淨是義  
云何答曰此義不類何者凡相有二種一者於五塵  
欲境妄愛貪染隨境執著此等是相名之為縛二者  
愛佛功德願生淨土雖言是相名為解脫何以得知  
如十地經云初地菩薩尚自別觀二諦屬心作意先  
依相求終則無相以漸增進體大菩提盡七地終心  
相心始息入其八地絕於相求方名無功用也是故  
論云七地已還惡貪為障善貪為治八地已上善貪  
為障無貪為法况今願生淨土現是外凡所修善根  
皆從愛佛功德生豈是縛也故涅槃經云一切衆生

有二種愛一者善愛二者不善愛不善愛者唯思愚求之善法愛者諸菩薩求是故淨土論云觀佛國土清淨味攝受衆生大乘味類事起行願取佛土味畢竟住持不虛作味有如是等無量佛道味故雖是取相非當執縛也又彼淨土所言相者卽是無漏相實相相也

第二段中明此彼修道用功輕重而獲報真偽者若欲發心歸西者單用少時禮觀念等隨喜長短臨命終時光臺迎接迅至彼方位階不退是故大經云十方人天來生我國若不畢至戒度更有退轉者不取

顛倒 覺倒一十九項也  
以頭向下故名一

正覺此方多時具修施戒忍進定惠未滿一劫已來恒未免火宅顛倒墜隨故名用功至重獲報偽也大經復云生我國者橫截五惡趣今此約對彌陀淨刹娑婆五道齊名惡趣地獄餓鬼畜生純惡所歸名爲惡趣娑婆人天雜業所向亦名惡趣若依此方修治斷除先斷見惑離三塗因戒三塗果後斷修惑離人天因絕人天果此皆漸次斷除不名橫截若得往生彌陀淨國娑婆五道一時頓捨故名橫截五惡趣者截其果也惡趣自然閉者閉其因也此明所離昇道無窮極者彰其所得若能作意廻願向西上盡一

大經鈔六八三昇道在  
空窮極彰其得之道深  
廣故在窮極

形下至十念無不皆往一到彼國即入正定聚與此  
修道一乃劫齊功也

第八大門中有三番料簡第一略舉諸經來證勸捨  
此折彼第二弥陀釋迦二佛比拔第三釋往生意

第二略舉諸大乘經來證皆勸捨此怖彼者一謂者

閻崛山說大經二卷二觀經一部王官著閣兩會正

說三少卷無量壽經舍衛一說四復有十方隨願往

生經明證五復有無量清淨覺經二卷一會正說八

更有十往生經一卷諸餘大乘經論指讚處多如請

觀音大品經等又如龍樹天親等論勸勸非一餘方

淨土皆不如此丁寧

第二弥陀釋迦二佛比拔者謂此佛釋迦如來八十

年住世暫現即去去而不返此於切利諸天不至一

且又釋迦在時救緣六病如毗舍離國救人現患等

何者時毗舍離國人民遭五種惡病一者眼赤如血

二者兩耳出膿三者鼻中流血四者舌噤無聲五者

所食之物化為麁澁六識閉塞猶如醉人有五野又

或各訖拏迦羅面黑如墨而有五眼狗牙上出吸人

精氣良醫耆婆盡其道術所不能救時有月益長者

為首部領病人皆來歸佛叩頭求哀今時世尊起無

香深天台云一佛云  
兩生時一牛把針筒  
一手把葉葉一昔誓  
為醫能治他病從德  
立親文傳通紀序

量悲愍告病人曰西方有阿彌陀佛觀世音大勢至  
菩薩汝等一心合掌求見於是大眾皆從佛勸合掌  
求哀亦時彼佛放大光明觀音大勢一時俱到說大  
神咒一切病苦皆悉消除平復如故然二佛神力應  
亦齊等但釋迦如來不申已能故顯彼長欲使一切  
眾生莫不齊敬是故釋迦處處歎歸須知此意也是  
故曇鸞法師正意歸西故傍大經奉讚云  
安樂聲聞菩薩眾  
身相莊嚴無殊異  
面容端正無可比  
人天智惠咸洞達  
但順他方故別名  
精微妙軀非人天

虛無之身無極體

是故頂禮平等身

第三釋往生意者就中有二一釋往生意二問答解  
釋第一問曰今願生淨土未知作何意也答曰只欲  
疾成自利利他利物深廣十信三賢攝受正法契會  
不二見證佛性明曉實相觀照暉心有無二諦因果  
先後十地優劣三忍三道金剛無礙證大涅槃大乘  
寬運欲無限時住為盡無邊生死海故問有三番問  
曰願生淨土擬欲利物者若余取拔眾生今現在此  
已能發得此心只應在此後苦眾生何可得此心竟  
先願生淨土似如捨眾生自求菩提樂也答由此義

三寶契制二六十一者  
詔隣真故前異凡之後  
異聖人異者善也原也  
世三千人皆積善所成  
願承真理故受斯稱

不類何者如智度論云譬如二人俱見父母眷屬沒  
在深淵一人直往盡力救之乃所不及相與俱沒  
人遙走趣一舟船乘來濟挾並得出難菩薩亦尔若  
未發心時生死流轉與眾生無別但已發菩提心時  
先願往生淨土取大悲船乘無礙辨才入生死海濟  
運眾生一大論復云菩薩生淨土具大神通辨才無  
異教化眾生時尚不能令眾生善滅惡增道進位  
稱菩薩意若即在穢土拔濟者闕無此益如似遍雞  
入水豈能不濕也三大經讚云  
安樂佛國諸菩薩  
夫可宣說隨智惠

於已万物亡我取  
往來進止若汎舟  
彼已猶空斷二想  
三明六通皆已足  
如是功德無邊量

淨若蓮華不受塵  
利安馬務捨適莫  
燃智惠炬照長夜  
菩薩万行觀心眼  
是故至心願生彼

第九大門中有兩番料簡第一苦樂善惡相對第二  
明彼此壽命長短比校  
就初段中有二一苦樂善惡相對二引大經為證初  
言苦樂善惡相對者在此娑婆世界雖有苦樂二報  
恒以樂少苦多重則三塗痛燒輕則人天刀兵疾病

相續連注速劫已來無有斷時縱有人天少樂猶如  
泡沫電光速起速滅是故客為唯苦唯惡彌陀淨國  
水鳥樹林常吐法音明宣道教具足清白能令悟入  
二引聖教為證者淨土論云十方人天生彼國者即  
與淨心菩薩無二淨心菩薩即與上地菩薩畢竟同  
得寂滅忍故更不退轉又引大經四十八願中有五  
番大益第一本經云有十方人天來生我國不悉真  
金色者不取正覺二云十方人天來生我國若形色  
不同有好醜者不取正覺三云十方人天來生我國  
不得宿命智下至不知百千億那由他諸劫事者不

取正覺四云十方人天來生我國不得天耳通下至  
不聞百千億那由他諸佛所說不悉受持者不取正  
覺五云十方人天來生我國不得他心智下至不知  
百千億那由他諸佛國中衆生心念者不取正覺欲  
論彼國利益之事難可具陳但當願生必不可思議  
是故彼方唯善唯樂無苦無惡也

第二明壽命長短者此方壽命大期不過百年百年  
之內少出多減或生年友輩乃至童子身亡或復胎  
胎傷墮何意然者良由衆生作因時雜是以受報亦  
不得齊同也是故涅槃經云作業時黑果報亦集作

業時白果報亦白淨雜亦尔又提淨度菩薩經云人  
壽百歲夜消其半即是減却五十年也就五十年內  
十五已來未知善惡八十已去昏耄虛劣故受老苦  
自此之外唯有十五年在於中外則王宮逼迫長征  
遠防或繫在牢獄內則門戶吉凶衆事牽纏然然  
忪常求不足如斯推計可有幾時得修道業如此思  
量豈不哀哉何得不厭又彼經云人生世間凡經一  
日一夜有八億四千萬念一念起惡受一惡身十念  
念惡得十生惡身百念念惡受一百惡身計一衆生  
一形之中百年念惡惡即遍滿三千國土受其惡身

惡法既尔善法亦然一念起善受一善身百念念善  
受一百善身計一衆生一形之中百年念善三千國  
土善身亦滿若得十年五年念阿彌陀佛或至多年  
後生無量壽國即受淨土法身恒沙無盡不可思議  
也今既穢土短促命報不遠若生阿彌陀淨國壽命  
長遠不可思議是故無量壽經云佛告舍利弗彼佛  
何故号阿彌陀舍利弗十方人天往生彼國者壽命  
長遠億百千劫與佛同等故号阿彌陀各宜量此利  
大皆願往也又善王皇帝尊經云其有人學道念欲  
往生西方阿彌陀佛國者憶念晝夜一日若二百或

三日若四日若五日至六日七日若復於中欲還悔者聞我說是善王功德命欲盡時有八菩薩皆悉飛來迎取此人到西方阿彌陀佛國中終不得止自此已下又引大經偈為證讚云  
其有眾生生安樂  
智慧滿足入深法  
隨根利鈍成就忍  
宿命五通常自在  
除生他方五濁世  
生安樂國成大利  
悉具三十有二相  
究暢道要無鄙礙  
三忍乃至不可說  
至佛不更雜惡趣  
示現同如大牟尼  
是故至心願生彼

第十大門中有兩番料簡第一依大經引類證誠第一釋迴向義

第一依大經引類證誠者十方諸佛無不勸歸西方十方菩薩無不同生十方人天有意齊歸故知不可思議事也是故大經讚云

神力無極阿彌陀  
東方恒沙諸佛國  
亦復供養安樂國  
聽受經法宣道化  
十方無量佛所讚  
菩薩無數悉往觀  
菩薩聲聞諸大眾  
自餘九方亦如是  
第二釋迴向義者但以一切眾生既有佛性及人皆



有願成佛心然依所修行業未滿一劫已來猶未  
出火界不免輪迴是故聖者愍斯長苦勸迴向西  
成大益然迴向之功不越於六何等為六一者將取  
修諸業迴向弥陀既至彼國還得六通濟運眾生此  
即不住道也二迴曰向果三迴下向上四迴遲向速  
此即不住世間五迴施眾生悲念向善六迴入去却  
分別之心迴向之功只成斯六是故大經云其有衆  
生生我國者自然勝進超出常倫諸地之行至成佛  
道更無迴復之難故大經讚云  
安樂菩薩聲聞輩  
於此世界無北方

釋迦無身大辨才  
最賤乞人並帝王  
如是展轉至六天  
以天色像喻於彼  
皆是法藏願力為

設諸假令示少分  
帝王復比金輪王  
次第相類皆如始  
千萬億倍非其類  
皆首頂禮大心力

第十一大門中略作兩番料簡第一勸一切衆生託  
善知識作向西意第二死後辨生緣勝劣  
第一勸託善知識者依法句經與衆生作善知識有  
寶明菩薩自佛言世尊云何名爲善知識也佛言善  
知識者能說深法謂空無相無願諸法平等無業無

報無因無果究竟如如住於實際然於畢竟空中熾  
燃建立一切諸法是爲善知識善知識者是汝父母  
養育汝等善提身故善知識者是汝眼目能見一切  
善惡道故善知識者是汝大船運度汝等出生死海  
故善知識者是汝組繩能挽汝等出生死故也又  
勸離與衆生作善知識必須歸西何以故由住斯火  
界違順境多多有退沒難出故也是故舍利弗於此  
發心修善行已經六十劫逢惡知識乞眼因緣遂  
即退轉故知火界修道甚難故勸彼西方一得往生  
三學自然勝進万行普備故大經云弥陀淨國無造

惡之地如毛髮許也

第二次辨衆生死後受生勝劣者此界衆生壽盡命  
終莫不皆乘善惡二業恒爲伺命獄率妄愛煩惱相  
與受生乃從無數劫來未能免離若能生信皈向淨  
土策意專精命欲終時阿弥陀佛與觀音聖衆光臺  
迎接行者歡喜隨從合掌乘臺須臾即到無不快樂  
乃至成佛又復一切衆生造業不同有其三種謂上  
中下莫不皆詣閻羅取判若能信佛因緣願生淨土  
所修行業並皆廻向命欲終時佛自來迎不干死苦也  
第十二大門中有一番就十往生經爲證勸往生也

如佛說生阿弥陀佛國爲諸大衆說觀身正念解脫  
十往生經云阿難白佛言世尊一切衆生觀身之法  
其事云何唯願說之佛告阿難夫觀身之法若不觀  
東西不觀南北不觀四維上下不觀虛空不觀外緣  
不觀內緣不觀身色不觀色聲不觀色像唯觀無緣  
是爲正真觀身之法除是觀身十方諦求在在處處  
更無別法而得解脫佛後告阿難但自觀身善力自  
然正念自然解脫自然何以故譬如有人精進直心  
得正解脫如是之人不求解脫解脫自至阿難復白  
佛言世尊世間衆生若有如是正念解脫應無一切

地獄餓鬼畜生三惡道也佛告阿難世間衆生不得  
解脫何以故一切衆生皆由多虛少實無一正念以  
是因緣地獄者多解脫者少譬如有人於自父母及  
以師僧外現孝順內懷不孝外現精進內懷不實如  
是惡人報雖未至三塗不遠無有正念不得解脫阿  
難復白佛言若如是者更修何善根得正解脫佛告  
阿難汝今善聽吾今爲汝說有十往生法可得解脫  
云何爲十一者觀身正念常懷歡喜以飲食衣服施  
佛及僧往生阿弥陀佛國二者正念以甘妙良藥施  
一病比丘及一切衆生往生阿弥陀佛國三者正念

不害一生命慈悲於一切往生阿彌陀佛國四者正  
念從師所受戒淨惠修梵行心常懷歡喜往生阿彌  
陀佛國五者正念孝順於父母敬奉於師長不起憍  
慢心往生阿彌陀佛國六者正念往詣於僧房恭敬  
於塔寺聞法解一義往生阿彌陀佛國七者正念一  
日一夜中受持八戒齊不破一往生阿彌陀佛國八  
者正念若能齊月齊日中遠離於房舍常詣於善師  
往生阿彌陀佛國九者正念常能持淨戒勤修於禪  
定護法不惡口若能如是行往生阿彌陀佛國十者  
正念若於無上道不起誹謗心精進持淨戒復教無

智者流布是經法教化無量衆生如是諸人等悉皆  
得往生今時會中有一菩薩名山海惠白佛言世尊  
彼阿彌陀國有何妙樂勝事一切衆生皆願往生彼  
佛告山海惠菩薩汝今應當起立合掌正身向西正  
念觀阿彌陀佛國願見阿彌陀佛今時一切大衆亦  
皆起立合掌共觀阿彌陀佛今時阿彌陀佛現大神  
通放大光明照山海惠菩薩身今時山海惠菩薩等  
即見阿彌陀佛國土所有莊嚴妙好之事皆悉七寶  
七寶山七寶國土水鳥樹林常吐法音彼國日日常  
轉法輪彼國人民不習外事正習內事口說方等語

耳聽方等聲心解方等義。爾時山海惠菩薩白佛言。世尊我等今者覩見彼國勝妙利益不可思議。我今願一切衆生悉皆往生。然後我等亦願生彼國。佛記之曰。正觀正念得正解脫。皆悉生彼。若有善男子善女人正信。是經愛樂。是經勸導。衆生說者聽者。悉皆往生阿彌陀佛國。若有如是等人。我從今日常使二十五菩薩護持。是人常令是人無病無惱。若人若非人不得其便。行住坐卧無間晝夜常得安穩。山海惠菩薩白佛言。世尊我今頂受尊教。不敢有疑。然世有衆生多有誹謗不信。是經如是之人。於後云何佛告。

山海惠菩薩於後闡浮提。或有比丘比丘尼。見存讀誦是經者。或相嗔恚。心懷誹謗。由是謗正法。故是人現身之中。來致諸惡重病。身根不具。聾盲瘖瘂。水腫鬼魅坐卧不安。求生不得。求死不得。或乃致死。墮於地獄。八万劫中受大苦惱。百千万世未曾聞水食之名。久後得出。在牛馬猪羊。爲人所殺。受大極苦。後得爲人。常生下處。百千万世不得自在。求不聞三寶名。字是故。無智無信。人中莫說是經也。

撰集流通德普施於一切。先發菩提心。同歸向淨國。皆共成佛道。

安樂集卷下

斯集一部就現行本開彫刻印唯為通海教沾  
蒼生也但庸唐之謬魚魯難詳正本流傳後  
昆刪定庶使乃至一聞之類同結九品之緣而  
已

萬治二歲

極月吉祥日

願主比在往成

東洞院通古角下所

山口市郎兵衛叔

東漸大師曰  
符曉天高若鷲羅鳴大歡  
欣淨土行人得病惡偏寒

白示下

身去紅髮尺

秋來白髮新

今朝向鏡看

疑是蓬頭人



